



Naalagaaffiit Peqatigiit Nunarsuarmi piujuaannartitsineq tunngavigalugu ineriartortitsinissaq pillugu anguniagagai Nunatsinni ineriartornermi Naalakkersuisullu sulinerannut qanoq ilanngunneqarnissaannik Inatsisartut oqallinnissaannik siunnersuut.

(Inuit Ataqatigiit Inatsisartunut ilaasortaaitai)

Naalagaaffiit Peqatigiit nunarsuarmi piujuaannartitsineq tunngavigalugu ineriartortitsinissamut anguniagagai angisuujupput pisariaqarlutilli nuarsuarmi inuit uumasullu atugarissaarnerulissappata. Nunarsuaq pitsaanerusoq, pingortitamik paarsilluarfiunerusoq tamatta nuannaarutissatsinnik.

Nunarsuarmi anguniakkat tassaapput sinaakkutit pingaarnert amerlanerpaat isumaqataaffigisinnaasaat. Assortuunnerli pilersarput aalajangiisussanngoraangatta anguniakkat qanoq iliorluta piviusunngortissanerlugut.

Tassunga assersuutissaalluarpoq nunarsuarmi pitsuunerup nungutinissaanut anguniakkat. Qanoq iliussagatt? Demokraatini isumaqarpugut piitsuussutsip nungutinissaanut aqut pitsaanerpaq tassaasoq kikkut tamarmik ilinniagaqassasut suliffittaarnissamut periarfissat pitsaanerulersarmata taamaalillunilu aamma imminut pilersornissamut periarfissat qaffattarlutik. Tamatuma saniatigut pingaaruteqarpoq siuarsaaniartuarnissaq suliffissanik pilersitsinissaq pillugu. Tassanilu isumaqatigiinngissutit takkussuutilereertarput, qanormi iliussagatta?

Matumani ataatsimiinnermi Demokraatit assersuutigalugu siunnersuutigaarput ingerlatseqatigiiffiit akileraarutaasa malunnartumik appartinnissaa. Uangut paasinnittaaserput naapertorlugu siuariartortitsinissaq suliffissanillu pilersitsilluni taava ikorfiissaaq nunarsuarmi piitssunerup nungutinissaanut anguniakkamut. Kisianni inimi maani kikkut tamarmik isummamut tassunga isumaqataaangillat.

Allat assersuutaasinnaasoq tunngavoq assigiinngissutsip millisarnissaanut anguniagaq. Tassunga atatillugu ippassaq takuarput Inuussutissarsiornermut Naalakkersuisut innaallagissamut imermullu assigiimmik akeqartussaatsinerup eqquteqqinneqarnissaanut siunnersuutaa. Tunngavilersuutinut ilaavoq atukkatigut assigiinnerulersitserusunneq tassani assigiinngissutsip millisarneqarnissaa. Oqallisigineqarsinnaavoq. Nuummili Radiofjeldimi anaanaq kisermaap Kullorsuarmilu aalisartorsuup atugarissaartup akornanni assigiinneruneeq pilernaviangilaq, innaallagissamut imermullu akit assigiinnerulerualarpata. Paarlattuanik taakku assigiinngissutaat alleriaannassaaq.

Allatut oqaatigalugu inerniliisoqarsinnaangilaq uangut politikert suut aallartittariaqarnerigut Naalagaaffiit



Peqatigiit piujuaannartitsineq tunngavigalugu ineriartortitsinissamut anguniagaa piviusunngortinneqassapat.

Ilisimavara Kommuneqarfik Sermersuummi illoqarfiit pingaarnersaanut pilersaarummut nunarsuarmi anguniakkat ilaanissaat aalajangiunneqarnikuusoq aamma uanga isumaqarpunga inissaminiissagaluartoq kommunit namminersorlutik Oqartussallu siunissami suliniutiminnut nunarsuarmi anguniakkat ilanngutereertalertuuppatigit. Kisianni aamma tassani politikikkut amerlanerussuteqarnissaq apeqqutaavoq eqqarsaatigalugu qanoq ilioraanni nunarsuarmi anguniakkat piviusunngortinneqarsinnaanersut. Anguniagaq isumaqatigiissutigineqaraluarpalluunniit imaanngilaq anguniakkap tungaanut sunissaq suullu sakkutigineqassanersut imaaliillaannaq isumaqatigiissutigineqarsinnaasut.

Demokraatinulli pingaaruteqarpoq oqaatigissallugu uangut politikerit aalajangiinnassanngitsugut nunarsuarmi anguniakkat 17-t piviusunngortinniarlugit. Tamanna sulissutigisariaqarpoq innuttaasut, inuussutissarsiortut kattuffiillu peqatigalugit. Iluaqutaanngilaq inimi maani issiasugut 31-iulluta allat qulaatiinnarlugit aalajangiigaluarutta. Tusarnaartariaqarpugut, suleqateqartariaqarpugut aamma suliamut kikkut tamaasa peqataatittariaqarpagut.

Aatsaat taamaaliorutta naatsorsuutigisinnaavarput inuiaqatigiit tamarmiusut toqqammavissaat pilersissinnaallutigu Naalagaaffiit Peqatigiit piujuaannartitsineq tunngavigalugu ineriartortitsinissamut anguniakkanik ataqqinnittut.

Taakkuugallarput Demokraatit oqallinnermi saqqummiukkusutaat.